

第二四〇冊

明倫彙編

皇極典

御製部

宸翰部 聖鑑附

宸翰部

君道部

治道部

創守部

三
三
三
(卷)

三

三

三
三
三

三

古今圖書集成

中華書局影印

第二回目錄

第一回目錄

第二回目錄

第三回目錄

第四回目錄

古今圖書集成

中華書局影印

欽定古今圖書集成明倫彙編皇極典

第二百三十六卷目錄

御製部藝文

梁武帝集序

奉敕示七夕詩啓

請頒示御製西嶽碑文疏

爲李僕射賀聖製政刑箴表

代陳司徒謝敕賜麟德殿宴百寮詩序表

謝賜中和御製詩序表

眞宗御製詩記

跋御製至尊壽皇聖帝聖政序記

恭跋御賜詩後

恭跋御製敕文下方

魏文帝集序

梁簡文帝集序

御製部紀事

皇極典第二百三十六卷

御製部藝文

梁武帝集序

文思安安欽明所以光宅日月光華南風所以興詠

日角之主出自諸生銳頂之君少明古學漢高宋武

雖闕章句歌大風以還沛好清談於暮年夫成天地

之大功膺樂推之寶運未或不文武兼資能事斯畢

者也我皇誕縱自天生知在御清明內發疏通外典

爰始貴遊篤志經術究淹中之雅旨盡曲臺之奧義

梁沈約

任昉

崔位

王維

宋張簡

陳傅良

明宋濂

前人

張溥

前人

前人

前人

前人

前人

前人

前人

前人

前人

前人

前人

前人

前人

莫不因流極源披條振藻若前疑往滯舊學平通而

超然直詣妙援終古善發談端精于持論置壘難踰

推鋒莫擬有同成誦無假含毫典絕節於高唱振清

辭於蘭晚至于春風秋月送別望歸皇王高冥心期

促賞莫不超挺磨與落發神衷及登庸歷試辭翰繁

蔚蔚記風動表議雲飛雕蟲小藝無累大道懷君人

之大德有事君之小心爲下奉上形於辭旨雖密奏

忠規遺稿必削而國謨藩政存者猶多逮乎俛應歸

運仰修乾錄載筆握簡各有司存如綸之旨時或衆

翰暨於設簾靈園愷樂在鎬鹿鳴四牡皇華常棣之

歌伐木采薇出車杕杜之燕皆詠志摘藻廣命羣臣

上與日月爭光下與鍾石比韻事同觀海義等窺天

觀之而不測遊之而不知者矣竊惟左史記言右史

記事君舉必書無論大小况乎感而後思思而後積

積而後滿滿而後言若斯而已故謹因事立名隨源

編次

奉勅示七夕詩啓

臣昉啓奉勅并賜示七夕五韻竊惟帝迹多緒俯同

不一託情風什希世罕工雖漢在四世魏稱三祖寧

足以繼想南風克諧調露性與天道事絕稱言豈其

多幸親逢旦暮臣早奉龍潛與賈馬而入室晚屬天

飛比嚴徐而待詔惟君知臣見於訥言之旨取求不

疵表於辯才之戲謹輒率庸陋式酬天獎拙速雖

效蚩鄙已彰臨啓慚慙罔識所冀謹啓

請頒示御製西嶽碑文疏

唐信安王禕

開元十二年帝幸東都至華州命勒石於華嶽帝

明倫彙編皇極典第二百三十六卷御製部

臣伏見御製西嶽碑文來從上元光熙下土羣臣捧

戴遊聖難名臣聞天作高山氣雄茲嶽歷洪河而傑

起凌蒼昊而孤標近當國門用固京邑巨巨靈開拓

往帝巡遊精意嘗聞頌聲則未非勝賞難就蓋詞翰

無能不遇非常之君孰觀非常之事陛下知其若此

金聲而玉振之乃發揮磨詞幽贊神化廣大極天地

光明融日月至理洞清微至功含造化合而成體散

而成章巍乎煥乎不可得而稱又復親紆彩筆寫在

香牋隨手生姿入神變態勢如飛動妙絕古今諒得

之自然豈因之外物對揚天休臣子之常也美而無

述過莫大焉請以御製碑文頒示四海使伊昔之后

自愧不才土之臣咸知所謂則雖死之日猶生之

年

爲李僕射賀聖製政刑箴表

臣某言伏見聖製政刑箴天文昭回八表皆燭廣漠

稽古六經不刊臣某伏惟皇帝陛下致理和平

躋人壽域猶懷兢業重設箴規酌裁成立政之中求

司牧措刑之本信成康之能事蓋堯禹之用心可以

萬邦作孚千載垂範金石不朽日月俱懸爰自繩契

已還歷選列辟憲章代有詞義罕攻湯製局促於盤

銘虞歌淡泊於琴曲橫汾乃縱賞之事黃竹匪勸誠

之文其餘流薄國風漂淪樂府典謨雅誥寂滅無聞

曷若光啓格言昭融至道勸萬機于一日二日立盛

德于先天後天長垂四目之明詎假百官之啓臣職

惟方鎮宗泰葭草成誦已在丹心述宣願播于青

史臣限以所守不獲奔走闕下拜舞天階無任捧讀

古今圖書集成

第二四〇冊 之一葉

代陳司徒謝勅賜麟德殿宴百寮詩序表

王維

臣某言支使某官奏事迴伏奉某月日手詔賜臣以皇太子所寫聖製麟德殿宴百僚詩序日月揚光風雲動色捧受之次震駭失常臣某中謝臣伏以經天緯地者聖人之文多才多藝者元良之美遜聽前修旋觀往冊考論盛世罕見全能故漢后詠歌有乖雅頌之旨周儲聰哲不聞翰墨之妙伏惟陛下道洽帝堯文超繁表體陰陽之變化與雲漢而昭同皇太子德邁生知學資聖訓掩鍾張之筆札並虬鸞以飛動臣特承湛恩荷此殊錫集榮光于外府啓重寶于私庭班氏賜書既甚懸隔馬卿視草曾未比擬又臣所獻奉和詩事等廣歌情同率舞濫吹之音謬塵于天聽踰涯之實忽降于絲言豈臣微力所宜負戴非臣捐軀所能効益無任榮荷感惕之至

謝賜中和節御製詩序表

前人

臣某言中使至伏奉手詔並賜臣皇太子所寫御製中和節詩序聖澤曲臨天文下降日月爛其光彩風雲蔚其氣色捧讀驚駭魂守失常臣某中謝臣伏以天地有常萬物必由其化陰陽不測聖人能爲之節然後垂文章以鼓舞天下之動張宴樂以道天下之和三五以還盛美斯在伏惟陛下以道御物以文化成立言盡經緯之本秉筆節陽和之中雖天旨元深理絕于彌度而睿詞煥洽義歸于德仰文輝三象諧同六律邁殷湯之晨露掩虞舜之薰風皇太子以聰哲之姿象鍊之妙鸞鳳之勢鍾王莫儔臣備守外藩獲承殊獎荷此非常之賜實惟希代之寶窺觀則河

漢無極負戴則山岳爲輕沉族捐軀何階上答不勝欣感之誠謹獻應制詩一首章句疎蕪義理鄙淺君唱臣和歡逢宴錫之時濫吹徒歌輒效鈞天之末塵瀆旒展伏深戰懼無任祇惕之至

眞宗御製詩記

宋張問

章聖皇帝卽位之七載開河陽濟源奉仙觀唐魯眞人舊廬有道士賀蘭棲眞者道術甚高發使者詔至京師既而與語灑然異之棲眞爲詩以獻上復製詩以寵答之一日從容問曰人言先生能點黃金信乎對曰陛下聖德聰明富有四海可謂眞天子矣臣願以堯舜之道點化天下顧方士僞術不足爲陛下道上大奇其言益加敬禮未幾巧還賜號棲眞大師加以命服錫其觀之田賦棲眞壽一百一十有三歲乃尸解去葬于觀之東又八十有八年其徒郭仲瑗再刻賜詩于石而圖棲眞像其下且囑臣爲之記臣聞再拜稽首而言曰伏觀自昔世主窮好道家之術者甚衆而鮮得其眞故其始莫不以謂神仙可致長年可祈至以敝屣視天下親屈帝尊以禮怪迂之士而後類不免爲詭誕之所欺惑可爲太息惟章聖皇帝冲妙在躬神明自得以道蒞天下者二十有四年不待問途裏城之野踈行崆峒之山而異人奇士應時而來樂告以善故祥符景德之間天下垂拱無爲海內蒙福登封告成號稱至治其功德遠矣觀棲眞之所陳上所以待遇之意眞昔之世主所甘心者顧不異哉棲眞異事多此不復具載特書其爲上語者如此

跋御製至尊壽皇聖帝聖政序記

陳傳良

臣上言臣聞前聖之德業莫盛于堯舜後聖之述作莫盛于孔子然二者相須而不能以同時恭惟至尊壽皇聖帝道本於稽古功成於協帝臨御二十有八年仁恩塞穹壤威聞愾發獨潤色中興之烈而增光揖遜之美薄海內外萬口同辭以爲自舜以來一人而已陛下奉若慈訓克昌丕緒見之行事緝熙光明而且欲以欽承允蹈之餘布在方策昭示無極爰命史臣褒輯聖政鋪張表出作宋一經于是書成來上親灑宸翰總發膚藻冠之篇端日星有爛著於天文而太極之妙自然陳露指神鉛槧之流又以爲是孔氏之作也臣竊惟有虞之書初與五典並行而無辨更千五百年而得孔氏斷爲書首序之百篇之上然後暴白于萬世由此觀之虞舜雖極治嘗久晦而後彰孔子能祖述矣蓋追誦而不相及未有父子兩朝聖以繼聖立德立言自相發揮皇乎異哉如今日之盛者也抑臣次舜之事以底豫於孝遭人倫之變也以予賢于公因天命之改也惟我壽皇之事高廟備極五福彌歷三紀雍雍穆穆罔間言曾未倦勤脫履萬乘授之主鬯神人燕寧累聖一家世世同德父子之間視舜有光焉則陛下之序此書九足以垂百王之範補六藝之缺矣臣以非材待罪宰事適董攸司與托不朽而藏之禁嚴未寫琬琰無以對揚宏休臣實甚懼用是百拜稽首昧死請以賜本大書深刻以幸來世而又百拜稽首髮髯大旨敬書於序之下

恭跋御賜詩後

明宋濂

臣聞自古人君有盛德大業者其積慮深長而貽謀
悠久必日與文學法從之臣論道而經邦當情意洽
乎之時或相與廣歌或褒以詩章或燕之內殿君臣
之間實同魚水非直修爲觀美所以禮賢俊示寵恩
而昭四方也有如唐之文皇宋之太宗其事書諸簡
編者可以見之矣皇明紀號洪武之八年秋八月甲
午皇上覽川流之不息水容澄爽油然有感于宸衷
陋尹程秋水賦言不契道乃親更爲之賦成名禁林
羣臣觀之且曰卿等亦各撰賦以進臣率同列研精
覃思鋪叙成章詣東皇閣次第投獻上皆親覽焉復
寘品評于其間已而賜坐勅太官進天府奇珍內臣
行觴觴已上顧臣曰卿何不盡飲臣出跪奏曰臣荷
陛下聖慈賜臣以醇酎敢不如詔第臣年衰邁恐不
勝杯酌志不攝氣或愆于禮度無以上承寵光爾上
曰卿姑試之臣卽席而飲將徹上復顧臣曰卿更宜
酌一觴臣再起固辭上曰一觴豈解醉人乎卒飲之
臣舉觴至口端又復瑟縮者三上笑曰男子何不慷
慨爲臣對曰天威咫尺間不敢重有所瀆勉強一吸
至盡上大悅臣顏面變頰頓覺精神遐漂若行浮雲
中上復笑曰卿宜自述一詩朕亦爲卿賦醉歌二奉
御捧黃綾案進上揮翰如飛須臾成楚辭一章臣既
醉下筆傾歎字不成行列甫綴五韻上遽召臣至命
編修官臣右重書以遺臣遂諭臣曰卿藏之以示子
孫非惟見朕寵愛卿亦可見一時君臣道合共樂太
平之盛也臣行五拜禮叩首以謝上更敕給事中臣
善等賦醉學士歌云臣既退竊自念曰臣本越西布
衣粗藉父師明訓弗墜箕裘之業而已一旦遭際聖

明遣使聘起之踐歷清華地躋禁近無一朝不覲日
月之光如此者凡十有七年叨冒恩榮絕前比所
幸犬馬之力未衰誓將竭奔走之勞以圖報稱今天
寵屢加雲漢之章昭燭下土臣竊自靖度何足以堪
之雖然傳有之泰山不讓土壤故能成其大四海不
擇細流故能就其深王者不卻衆庶故能明其德洪
惟皇上尊賢下士講求唐虞治道度越于唐宋遠甚
雖以臣之至愚亦遭被非常之殊渥六合之廣其有
抱藝懷才者孰不思躡躍奮厲以揚於王廷哉臣按
南有嘉魚之詩有曰君子有酒嘉賓式燕以樂序者
謂太平之君子至誠樂與賢者共之也皇上寵恩之
便蕃抑過之矣又按天保之詩有曰馨無不宜受天
百祿降爾遐福惟日不足序者謂臣能歸美以報其
上臣雖無所飲爲願持此以頌禱於無窮哉古者修
君之命勅諸鼎彝藏諸宗廟世相傳以至於永久
臣敢竊援此義繕玉爲軸裝褙成卷什襲珍藏以顯
示來裔給事中臣善等應制諸詩附錄其後而賢士
大夫聞風慕聖而有作者又別見左方云是歲九月
戊午具官臣金華朱濂謹記

恭跋御製勅文下方

前人

皇帝臨御之七載益弘敷教治優老禮賢尊學如弗
及時則有若翰林學士承旨臣同春秋七十猶以文
學在侍從論思之列其意以爲幸逢有道之君何忍
去之休致之請久而不敢發上見同時首蒼顏與白
面少年旅進旅退於班行中惻然憐之八月甲辰特
降致仕之命續社期年且官其一子魯召同入賜坐
從容慰勞之夜漏下十刻始勅內官扶掖而還乙巳

上親製文一篇以賜同仰瞻天藻之華無任欣躍既
率表詣殿庭稱謝又以副墨勅諸貞珉昭示悠久臣
濂聞之君臣遇合自古爲難非道之符契情之感孚
鮮有善始而善終者今年同雖耄學拳拳戀闕之心
如出日忠款自將不替往初上憫其衰暮不欲煩之
以事令優游田里以終天年恩數便蕃視昔有加上
下之間可謂兩盡其道荷欽盛哉昔宋孫宜公吏自
翰林侍講學士乞致其事仁宗嘗賜詩一首詞臣尚
載之簡冊至今以爲美談矧我皇上睿思天成神文
炳煥其功俾造化經緯圖書足以昭明政體用風厲
四方詩云乎哉是將傳之億萬斯年未末無教而同
之名氏在奎壁光芒之中亦因是不朽誠千載之一
逢也傳曰王言如絲其出如綸天下之士聞之有不
鼓舞而淬礪者乎臣職在國史謹已備載日曆復因
同之請恭書於下方云是月癸丑翰林侍講學士知
制誥同修國史兼太子贊善大夫臣金華朱濂恭跋
魏文帝集序 張溥

曹子桓生長戎旅之間善騎馬左右射又工擊劍彈
碁伎能戲弄不減若父其詩歌文辭彷彿上下卽不
堪弟畜陳思爲孟德大兄固有餘也魏王帝業無足
稱惟令宦人爲官不得過諸署令詔羣臣家不得奏
事大后后族家不得當輔政任石室金策可寶萬世
彼親見漢室炎隆女主中人手撲滅之麥秀黍離惻
傷心目霸朝初創力更奮轍至待山陽公以不死禮
遇漢老臣楊彪不奪其志盛德之事非孟德可及當
日符命獻諛璽被躬羣衆推奉時與勢迫倘建安
君臣有能爲武康比干者或觀望却步竟保常節未

可知也典論自序善述生平論文一篇直自言所得與王明書務立不朽於著述間不肯以七尺一棺畢其生死雅慕漢文沒而得諡良云厚幸占其志超亦古諸侯之博聞者也甄后塘上陳王豆歌損德非一崇華首陽有餘恨焉

梁簡文帝集序

前人

史言梁簡文帝文集一百卷雜著六百餘卷自古皇家撰論未有若是其多者蓋朱邸日久會逢清晏兼以昭明爲兄湘東爲弟文辭競美增榮棠棣儲極既正宮體盛行但務綺博不避輕華人挾曹丕之資而風非黃初之舊亦時世使然乎賦景犯闕強登帝座吞土不祥終於協夢至今讀其題壁序自云蘭陵正士弗欺脂屋輒爲泣數行下武帝開門揖盜自戕骨肉簡文立顛沛之中罹懷怒之酷跋胡疋尾羣非已作後代諱其閔凶并其文字指爲無福不得擬秋風步短歌亦足悲也帝答湘東書頗厭時人效謝康樂裴鴻臚余謂帝詩文適在謝後裴前耳昭明稱帝佳作止云首尾裁淨一字之評從來論六朝者所未逮帝誠當陽書立身須謹重文章須放蕩是則其生平所處也

御製部紀事一

書經益稷帝庸作歌曰勅天之命惟時惟幾乃歌曰股肱喜哉元首起哉百工熙哉畢陶拜手稽首颺言曰念哉率作與事慎乃憲欽哉屢省乃成欽哉乃賡載歌曰元首明哉股肱良哉庶事康哉又歌曰元首叢脞哉股肱惰哉萬事墮哉

宋書符瑞志帝舜時和氣普應慶雲興焉若煙非煙若雲非雲郁紛紛蕭索輪困百工相和而歌慶雲帝乃倡之曰慶雲爛兮禮綬纓兮日月光華且復旦兮羣臣咸進稽首曰明明上天爛然星陳日月光華弘乎一人帝乃再歌曰日月有常星辰有行四時從經萬姓允誠於予論樂配天之靈遷于聖賢莫不咸聽贊乎鼓之軒乎舞之精華以竭寡棠去之于是八風修通慶雲叢聚

史記樂書舜作五絃之琴以歌南風註南風養萬物孝子之歌也舜有孝行故以五絃之琴歌南風詩以敘理天下之孝

周語衛彪偃曰周詩有之曰天之所支不可壞也其所壞亦不可支也昔武王克商而作此詩以爲飢歌名之曰支以遺後人使未監焉

六韜武王踐阼三日召師尚父而問焉曰黃帝顓頊之道存乎師尚父曰在丹書王欲聞之則齊矣齊三日王端冕師尚父亦端冕奉書而入王東面而立師尚父西面道書之言曰敬勝怠者吉怠勝敬者滅義勝欲者從欲勝義者凶凡事不強則枉弗敬則不正枉者滅廢敬者萬世王聞書之言惕若恐懼而爲戒書于席之四端於几於盤於盥盤於楹於杖於帶於

履屨于觴豆于戶牖于劔弓矛爲銘焉

琴操周成王時鳳凰來舞于庭成王乃援琴而歌曰鳳凰翔兮于紫庭余何德兮以感靈輒先王兮恩澤臻于胥樂今民以寧

穆天子傳天子南游于黃臺之丘獵于鉏山天寒雨雪有求人王乃作詩三章以哀民

漢書高祖本紀十二年冬十月上破布軍于會街布走令別將追之上還過沛留置酒沛宮悉召故人父老子弟佐酒發沛中兒得百二十人教之歌酒酣上擊筑自歌曰大風起兮雲飛揚威加海內兮歸故鄉安得猛士兮守四方令兒皆和習之上乃起舞慷慨傷懷泣數行下謂沛父兄曰游子悲故鄉吾雖都關中萬歲之後吾魂魄猶思家沛且朕自沛公以誅暴逆遂有天下其以沛爲朕湯沐邑復其民世世無有所與沛父老諸母故人日樂飲極歡道舊故爲笑樂十餘日上欲去沛父兄固請留上曰吾人衆多父兄不能給乃去沛中空縣皆之邑西獻上留止張飲三日

留侯世家漢十二年上從擊破黥布軍歸疾益甚愈欲易太子留侯諫不聽因疾不視事叔孫太傅稱說引古今以死爭太子上猶欲易之及燕置酒太子侍四人從太子年皆八十有餘鬚眉皓白衣冠甚偉上怪之問曰彼何爲者四人前對各言名姓曰東園公角里先生綺里季夏黃公上乃大驚曰吾求公數歲公辟逃我今公何自從吾兒游乎四人皆曰陛下輕士善罵臣等義不受辱故恐而亡匿竊聞太子爲人仁孝恭敬愛士天下莫不延頸欲爲太子死者故臣

等來耳上曰煩公幸卒調護太子四人爲壽已畢趨去上目送之各戚夫人指示四人者曰我欲易之彼四人輔之羽翼已成難動矣呂后眞而主矣戚夫人泣上曰爲我楚舞吾爲若楚歌曰鴻鵠高飛一舉千里羽翮已就橫絕四海橫絕四海當可奈何雖有增繳尚安所施歌數闕戚夫人噓唏流涕上起去罷酒竟不易太子

漢書武帝本紀元符元年冬十月行幸雍祠五時獲白麟作白麟之歌

元鼎四年六月得寶鼎后土祠旁秋馬生涯注水中作寶鼎天馬之歌

元封二年春幸緱氏遂至東萊夏四月還祠泰山至瓠子臨決河命從臣將軍以下皆負薪塞河隄作瓠子之歌還作甘泉通天臺長安飛廉館六月詔曰甘泉宮內中產芝九莖連葉上帝博臨不異下房賜朕弘休其赦天下賜雲陽都百戶牛酒作芝房之歌

古文苑武帝作柏梁臺詔羣臣二千石能爲七言詩者乃得上坐帝曰日月星辰和四時自梁王已下作者二十五人

漢書武帝本紀元封五年冬行南巡狩至於盛唐望望祀虞舜于九嶷登瀟天極山自尋陽浮江親射蛟江中獲之舳艫千里薄樅陽而出作盛唐樅陽之歌太初四年春貳師將軍廣利斬大宛王首獲汗血馬來作西極天馬之歌注應劭曰大宛舊有天馬種號一日千里

太始三年二月行幸東海復赤鴈作朱鴈之歌四年夏四月幸不其祠神人于交門宮若有喬坐拜者作交門之歌

漢武故事帝行幸河東祠后土顧視帝京忻然中流與羣臣飲讌帝歡甚乃自作秋風辭

漢書外戚傳孝武李夫人少而早卒上思念不已方士齊人少翁言能致其神迺夜張燈燭設帳幄陳酒肉而令上居他帳遙望見好女如李夫人之貌還帷坐而步又不能就視上愈益相思悲感爲作詩曰是邪非邪立而望之偏何嫵嫵其來遲令樂府諸音家絃歌之上又自爲作賦以傷悼夫人

拾遺記漢武帝思懷往者李夫人不可復得時始穿昆靈之池泛翔禽之舟帝自造歌曲使女伶歌之時日已西傾涼風激水女伶歌聲甚適因賦落葉哀蟬之曲曰羅袂兮無聲玉墀兮塵生虛房冷而寂寞落葉依於重扇望彼美之女兮安得感余心之未寧

西京雜記始元元年黃鵠下太液池上爲歌曰黃鵠飛今下建章羽肅肅兮行踰踰金爲衣兮菊爲裳嗟喋荷荷出入兼葭自顧菲薄媿爾嘉祥

漢書王褒傳神爵五鳳之間天下殷富數有嘉應上頗作歌詩欲興協律之事丞相魏相奏言知音善鼓雅琴者渤海趙定梁國龔德皆召見待詔

哀帝本紀贊孝哀自爲藩王及充太子之宮文辭博敏幼有令聞

後漢書桓榮傳榮子郁敦厚篤學傳父業顯宗以郁先師子甚見親厚常居中論經書問以政事稍遷侍中帝自製五家要說章句令郁校定于宣明殿注華

嵩書曰帝自製五行章句此言五家即謂五行之家也東觀記曰上謂郁曰卿經及先師致復文雅其冬上親於辟雍自講所制五行章句已復令郁說一篇

上謂郁曰我爲孔子卿爲子夏起予者商也又問郁曰子幾人能傳學郁曰臣子皆未能傳學孤兄子一人學方起上曰努力教之有起者即白之

蔡邕傳初帝好學自造義皇篇五十章因引諸生能爲文賦者諸爲尺牘及工書鳥篆者皆加引召遂至數十人

靈思何皇后紀王美人生皇子協后酖殺美人帝怒協早失母又思美人作追德賦令儀頌

魏書文帝年八歲能屬文有逸才初在東宮疫癘大起時人彫傷帝深感歎與素所敬者大理王朗書曰生有七尺之形死爲一棺之土唯立德揚名可以不朽其次莫如著篇籍疫癘數起士人彫落余獨何人能全其壽故論撰所著典論詩賦蓋百餘篇集諸儒於肅城門內講論大義侃侃無倦

胡沖吳曆帝以素書所著典論及詩賦餉孫權又以紙寫一通與張昭

魏志文帝本紀帝好文學以著述爲務自所勒成垂百篇又使諸儒撰集經傳隨類相從凡千餘篇號曰皇覽

高貴鄉公本紀註傳暢晉諸公贊曰帝嘗與中護軍司馬望侍中王沈散騎常侍裴秀黃門侍郎鍾會等講宴于東堂并屬文論名秀爲儒林文人沈爲文籍先生望會亦各有名號

甘露四年春正月黃龍二見寧陵縣界井中注漢晉春秋曰是時龍見咸以爲吉祥帝曰龍者君德也上不在天下不在田而數屈于井非嘉兆也仍作潛龍之詩以自諷司馬文王見而惡之

宋書始平孝敬王子鸞傳子鸞母殷淑儀寵傾後宮子鸞愛冠諸子凡爲上所盼遇者莫不入子鸞之府國及爲南徐州又割吳都以屬之六年丁母憂追進淑儀爲貴妃上自臨南掖門臨過喪車悲不自勝左右莫不感動上痛愛不已擬漢武李夫人賦

南史宋孝武帝本紀帝少機穎神明爽發讀書七行俱下才藻甚美

宋前廢帝本紀帝有文才自造孝武帝詩及雜篇章往往有文采

開府元龜宋明帝好讀書在藩時撰江左以來文章志又續衛瓘所註論語一卷行于世帝寬仁待物才學之士多蒙引進參侍文籍應對左右于華林園含芳堂講周易常自臨聽又嘗造皇業頌通國風辭天符頌帝圖頌治兵大雅白紵篇大雅

南齊太祖在位所著文詔中書侍郎江淹撰次之又詔東觀學士撰史林三十篇魏文帝皇覽之流也

南齊書蘇侃傳侃除積射將軍遇太祖在淮上便自委結上鎮淮陰時張永沈攸之反後新失淮北始遣上北戍不滿千人每歲秋冬間邊淮騷動恆恐敵至上廣遣偵候安集荒餘又營繕城府上在兵中久見疑于時乃作塞客吟以喻志

梁書武帝本紀帝文思欽明能事畢究雖萬機多務猶卷不輟手燃燭側光常至戊夜造制旨孝經義周易講疏及六十四卦二繫文言序卦等義樂社義毛詩答問春秋答問尚書大義中庸講疏孔子正言老子講疏凡二百餘卷並正先儒之述開古聖之旨王侯朝臣皆奉表質疑高祖皆爲解釋脩飾國學增廣

生員立五館置五經博士天監初則何佟之賀場嚴植之明山賓等覆述制旨并撰吉凶軍賓嘉五禮凡一千餘卷高祖稱制斷疑于是移穆恂恂家知禮節大同中子臺西立士林館領軍朱异太府卿賀琛舍人孔子秋等遞相講述皇太子宣城王亦於東宮宣猷堂及揚州解開講於是四方郡國趨學向風雲集於京師矣兼篤信正法猶長釋典製涅槃盤大品淨名三慧諸經義記復數百卷聽覽餘閑即于重雲殿及同泰寺講說名僧碩學四部聽衆常萬餘人又造通史躬製贊序凡六百卷天情睿敏下筆成章千賦百詩直疏便就皆文質彬彬超邁今古詔銘贊誄頌頌賤奏爰初在田泊登寶歷凡諸文集又百二十卷六藝備閑棋登逸品陰陽緯候卜筮占決並悉稱善又撰金策三十卷

蕭子顯傳大通二年子顯遷侍中高祖雅愛子顯才又嘉其容止吐納每御筵侍坐偏頗訪焉嘗從容謂子顯曰我造通史此書若成衆史可廢子顯對曰仲尼讚易道黜八索述職方除九丘聖製符同復在茲日時以爲名對三年以本官領國子博士高祖所製經義未列學官子顯在職表置助教一人生十人又啓撰高祖集并普通北伐記

開府元龜劉孺爲太子中書舍人嘗侍宴壽光殿詔羣臣賦詩時孺與張率並醉未及賦帝取孺手板題戲之曰張率東南美劉孺雒陽才攬筆便應就何事久遲迴
簡文帝幼而敏睿識悟過人六歲便屬文高祖驚其早就弗之信也仍于御前面試辭采甚美高祖嘆曰

此子吾家之東阿讀書則十行俱下九流百氏經目必記章篇辭賦操筆立成博綜羣書善言元理雅好題詩

梁書簡文帝本紀帝雅好題詩其序云余七歲有詩癖長而不倦然傷于輕豔當時號曰宮體所著昭明太子傳五卷諸王傳三十卷禮大義二十卷老子義二十卷莊子義二十卷長春義記一百卷法寶連璧三百卷並行于世

南史梁元帝本紀帝所著孝德傳忠臣傳各三十卷丹陽尹傳十卷注漢書一百十五卷周易講疏十卷內典博要百卷連山三十卷洞林三卷玉韜金樓子補闕子各十卷老子講疏四卷懷舊傳二卷古今全德志荆南地記貢職圖古今同姓名錄一卷筮經十二卷式贊三卷文集五十卷

開府元龜梁元帝博綜羣書下筆成章出言爲論才辨敏速冠絕一時著述詞章多行于世
陳書武帝本紀末定二年三月乙卯高祖幸後堂聽訟還于橋上觀山水賦詩示羣臣

開府元龜陳後主所製文筆卷軸甚多乃別寫一本付姚察有疑悉令刊定後又善作詩及隋兵渡江猶作詩不輟及朝隋文帝東巡登芒山侍飲賦詩
魏書明元帝本紀帝禮愛儒生好覽史傳以劉向所撰新序說苑于經典正義多有所闕乃撰新集三十篇採諸經史該洽古義兼資文武焉
太武帝本紀神鼎三年春正月癸卯行幸廣密臨溫泉作溫泉之歌
孝文帝本紀帝雅好讀書手不釋卷五經之義覽之

便講學不師受探其精奧史傳百家無不該涉善談

莊老尤精釋義才藻富瞻好爲文章詩賦銘頌任典

而作有大文筆馬上口授及其成也不改一字自太

和十年已後詔開皆帝之文自餘文章百有餘篇

鄭義傳教子道昭爲員外散騎侍郎祕書丞從征沔

漢高祖饗侍臣於懸瓠方丈竹堂道昭與兄懿俱侍

坐焉樂作酒酣高祖乃歌曰白日光天兮無不耀江

左一隅獨未照彭城王勰續歌曰願從聖明兮登衡

會萬國馳誠混內外鄭懿歌曰雲雷大振兮天門闢

率土來賓一正歷邪轡歌曰舜舞干戚兮天下歸文

德遠被莫不思道昭歌曰皇風一鼓兮九地匪戴日

依天清六合高祖又歌曰遵彼汝墳兮昔化貞未若

今日道風明宋弁歌曰文王政教兮暉江沼寧如大

化光四表高祖謂道昭曰自比遷務雖猥與諸才儻

不廢詠綴遂命邢巒總集敘記

劉昶傳昶除使持節都督吳越楚彭城諸軍事大將

軍及登高祖親餞之命百寮賦詩贈昶又以其文集

一部賜昶高祖因以所製文筆示之謂昶曰時契勝

殘事鍾文業雖則不學欲罷不能脫思一見故以相

示雖無足味聊復爲笑耳

開府元龜後魏孝文帝遷雒路由朝歌見比干墓愴

然悼懷爲文以弔之通直常侍劉芳爲注解

北齊後主幼而念善及長頗學綴文置文林館引諸

文士焉

周書明帝本紀二年九月丁未幸同州過故宅賦詩

曰玉燭調秋氣金輿歷舊宮還如過白水更似入新

豐霜潭漬晚菊寒井落疎桐舉杯延故老令聞歌大

風

帝幼而好學博覽羣書善屬文詞彩溫麗及即位集

公卿已下有文學者八十餘人於麟趾殿刊校經史

又摺採衆書自義農以來訖於魏末敘爲世譜凡五

百卷云所著文章十卷

武帝本紀天和四年五月己丑帝制象經成集百僚

講說

開府元龜隋煬帝初爲晉王善屬文及爲皇太子數

有詩書遺牛弘弘亦有答及嗣位之後常賜弘詩其

同被賜詩者至於文詞贊無如弘美

國朝傳紀煬帝善屬文而不欲人出其右司隸薛道

衡由是得罪後因事誅之曰更能作空梁落燕泥否

隋唐嘉話煬帝爲燕歌行文士皆和著作郎王胄獨

不下帝帝每銜之胄竟坐此見害而誦其警句曰庭

草無人隨意綠復能作此語耶

隋書突厥傳帝親巡雲內沂金河而東北幸啓民所

居啓民奉觴上壽跪伏甚恭帝大悅賦詩賜啓民及

主金甕各一及衣服被褥錦綵特勒以下各有差

開府元龜唐太宗貞觀初著金鏡述以示侍臣

六年閏八月己巳至善慶宮宴三品已上於渭之濱

帝甚歡賦五言詩

大唐新語蕭瑀貞觀初爲左僕射太宗謂之曰武德

六年已後太上皇有廢立之心而未定也我當此日

實不爲兄弟所容實有大功而不蒙賞卿不可以厚

利誘不可以刑戮懼眞社稷臣也因賜詩曰疾風知

勁草版蕩識貞臣又謂之曰卿之守道身古人無

以過也然善惡大明有時而失瑀謝曰臣特蒙訓誠

恐死忠良雖死之日猶生之年十七年與長孫無忌

等二十四人圖形於凌烟閣

太宗欲見前代帝王事得失以爲鑒戒魏徵乃以虞

世南褚遂良蕭德言等采經史百家之內嘉言善語

明王暗君之跡爲五十卷號羣書理要上之太宗手

詔曰朕少尚威武不精學業先王之道茫若涉海覽

所撰書博而且要見所未見聞所未聞使朕稽古臨

事不惑其爲勞也不亦大哉賜徵等絹千匹綵物五

百段太子諸王各賜一本

唐書虞世南傳太宗嘗作宮體詩使廣和世南曰聖

作誠工然體非雅正上之所好下必有甚者臣恐此

詩一傳天下風靡不敢奉詔帝曰朕試卿耳賜帛五

十匹世南卒帝爲詩一篇述古興亡既而歎曰鍾子

期死伯牙不復鼓琴朕此詩將何所示邪敕起居郎

褚遂良即其靈坐焚之

全唐詩話貞觀六年九月帝幸慶善宮帝生時故宅

也因與貴臣宴賦詩起居郎諸平官商被之管絃命

曰功成慶善樂使童子八佾爲九功之舞大宴會與

破陣舞偕奏於庭

太宗在洛陽宮幸積翠池宴酣各賦一事帝賦尚書

曰日昃翫百篇臨燈披五典夏康既逸豫商辛亦荒

涵恣情昏主多克己明君鮮滅身資累惡成名由積

善魏徵賦西漢曰受降臨軹道爭長趣鴻門驅傳渭

橋上觀兵細柳屯夜宴經柏谷朝遊出杜原終藉叔

孫禮方知皇帝尊帝曰徵言未嘗不約我以禮

開府元龜貞觀十二年三月著作郎鄧隆上表請編

錄製詩集不許帝初以功定海內櫛風沐雨不服

於諸書者久矣暨於嗣業進引忠良銳情思政朝夕孜孜求之若不及數年之後道致隆平天下晏如四裔賓服遂於聽覽之暇留情文史敘事言懷時有摘屬天才俊麗與記元遠博該冊府文過擊玉故隆諸編大焉其志不果

唐書鄧世隆傳帝以武功定天下晚始嚮學多屬文賦詩天格瞻麗意悟冲邁十三年世隆上疏請加集錄帝謙不許

長孫無忌傳帝思所與共艱難賴無忌以免作威風賦以賜且况其功

冊府元龜貞觀十七年太子太師魏徵卒帝為製碑文并御書石刻畢停於將作北門公卿士庶競以模寫車馬填噎日有數千時人號其碑為二絕文與書也

十九年將征遼二月大河陽詔殷少師比干贈太師自為文祭之次都經魏太祖墓自為祭文三月幸定州經北岳自為祭文四月行軍總管姜確督兵攻蓋至城中流矢而卒帝甚哀悼為五言詩以悼之十月班師次漢武臺餘基三城傍有祠堂瑩域帝顧問侍臣對曰此是燕齊之士為漢武求仙之處其地俯臨大海長瀾接天岸多峻石奇怪之狀帝製文刻於石十二月次定州御步輦而行帝攬筆於輦中賦詩

二十年正月幸晉祠樹碑製文親書之於石

全唐詩話貞觀二十一年秋帝幸靈州時破薛延陀回統諸部遣使入貢乞置官司上為詩序其事曰雪恥酬百王除凶報千古公卿請勒石於靈州從之冊府元龜貞觀二十一年八月骨利幹國遣使朝貢

延陀之敗也詔遣雲麾將軍康野密往慰撫焉其君長大悅遣使隨野密入朝獻馬百匹有十四匹尤駿帝奇之各為製名號為十驥其一曰騰霜白其二曰皎雪聰其三曰凝露聰其四曰懸光聰其五曰決波驗其六曰飛霞驃其七曰發電赤其八曰流金駟其九曰翔麟紫其十曰奔虹赤帝乃為文以序其事厚待其使

二十二年正月帝撰帝範十二篇賜皇太子顧謂王公曰飭躬闡政之道備在其中是日幸溫湯御製溫湯碑以示羣臣曰疇昔詞人已有此作朕又為之可得而比耶王公咸曰天文博奧超象繫之表前代瑣瑣小詞豈得輒相比况乃神筆自書勒於溫井之側侍坐王公咸聽於碑陰容紀姓名官位三月帝以邊塵無警朔漠來王乃制戎狄賓服之文又制玉華宮山銘紀示羣臣詔令學士並作帝少屬亂離久居兵陣及正位已後遂博覽羣書總其宏綱始於萬卷道文麗藻一時冠絕數年之內經史屬綴官商自口起居郎傾耳揮翰百而不紀一焉

高宗為太子時引庶子少詹事司議舍人等入閣乃從容而言曰文章詞賦平生所愛然未之為也今日風景殊佳當與公等賦詩言志於是援筆以制序登日太宗以皇太子詩序示王公曰朕觀太子此文及筆跡進於常日司徒長孫無忌對曰皇太子秉承天訓文章筆札羣藝日新是歲太子制玉華宮山銘又獻玉華宮賦

永徽五年五月制萬年宮銘刻石於永光門外仍令中書門下及文武三品已上并學士自書名位碑陰

而刻之

顯慶二年十月幸鄭州次汜水帝以先帝於汜水擒竇建德因平王世充於是刻石立頌以紀功自為頌文

五年三月幸并州童子寺賦詩而還十二月較獵於長社之安樂川召侍臣及藩臣夜讌帝賦詩以紀講習之事

龍朔元年冬十月狩於南山製東狩詩以示羣臣麟德二年封禪十一月丁酉至平陰嶺是日降雪帝賦詩皇后和

咸亨四年十一月帝自製樂章有上元二儀三才四時五行六律七政八風九宮十洲得一慶雲之曲以示羣臣令太常行之

儀鳳二年七月宴百僚及諸親於九成宮之咸亨殿酒酣帝賦詩作柏梁體皇太子霍王元軌相王輪羣臣相次繼作

太平御覽高宗製元首前星維城股肱等誠以示侍臣禮部尚書弘文館學士許敬宗上表請總名為天訓并請注解許之及注畢敬宗為之序

冊府元龜中宗神龍三年八月乙未親送朔方軍總管韓國公張仁亶於通化門外帝製序賦詩

全唐詩話中宗九月九日幸臨渭亭登高作云九日正乘秋三杯興已周泛桂迎樽滿吹花向酒浮長房菓早熟彭澤菊初收何藉龍沙上方得恣淹留時景龍三年也序云陶潛盈把既浮九醞之歡畢卓持螯

須盡一生之興人題四韻同賦五言其最後成謂之引滿章安石蘇懷詩先成于經野盧懷慎最後成韻

酒十月帝誕辰內殿宴聯句潤色鴻業寄賢才帝云

叨居右弼魏謩運籌帷幄荷時來示楚客

掌圖籍劉崇蓬萊兩司謬忝謝鍾裴禮樂銓

管效塵埃衛恩陳師振旅清九垓趙希忻承顧問

侍天杯李適銜恩獻壽柏梁臺蘇頌黃縑青簡奉康

哉盧藏用宗伯秩禮天地開薛稷帝歌難續仰昭回

來之問徵臣捧日變寒灰遠慙班左愧遊陪上官建

帝謂侍臣曰今天下無事朝野多歡欲與卿等詞

人時賦詩宴宴可識朕意不須惜醉大學士李嶠宗

楚客等跪奏曰臣等多幸同遇昌期謬以不才策名

文館思勵驚朽庶神河嶽既陪天歡不敢不醉此後

每遊別殿幸離宮駐蹕芳苑鳴笳仙禁或戚里宸筵

王門登席無不畢從

景龍四年正月五日御大明殿會吐蕃騎馬之戲因

重爲柏梁體聯句帝曰大明御宇臨萬方皇后曰顧

慚內政翊陶唐長寧公主曰鸞鳴鳳舞向平陽安樂

公主曰秦樓魯館沐恩光太平公主曰無心爲子輒

求郎溫王重茂曰雄才七步謝陳王昭客上官曰當

熊讓輦愧前芳吏部侍郎崔湜曰再司銓管恩何忘

著作郎鄭愔曰文江學海思濟航考功員外郎武平

一曰萬邦考績臣所詳著作郎閻朝隱曰著作不休

出中腸時上疑御史大夫竇從一將作大匠宗晉卿

素不屬文未即令續二人固請許之從一曰權豪屏

跡肅嚴霜晉卿曰鑄鼎開揆造明堂此外遺忘時吐

蕃舍人明悉微請令授筆與之曰玉醴由來獻壽觴

上大悅賜與衣服

冊府元龜元宗開元八年親製春雪詩春臺望一章

二十八句起居舍人蔡孚奏曰伏見所製氣雄詞美

德音相屬鄙炎漢之奢侈徇有唐之儉陋知作勞而

居逸念中人之家產用心如此天下斯安臣職在司

言請宣示百寮及編國史手詔答曰朕以聽政之餘

因時遊曠觀古人之制度懷先王之卑菲聊遇所覽

直書其事雖文詞非麗亦不忘于言卿職在史官君

舉必記將以朕之素意頒示庶寮循諷表章益深祇

勉

十年親注孝經頒于天下

十一年行幸北都親製起義堂頌刻石紀功于太原

府之南街

十二年十一月幸東都至華州命刺史徐知仁與信

安王禕勒石于華嶽祠南之通衢帝親製其文

十三年封東嶽禮畢帝製紀泰山銘親扎勒于山頂

之石壁

十四年十月幸汝州至溫湯之行宮時屬雨雪帝親

賦雨雪詩以示羣臣十一月幸寧王憲宅與諸王宴

探韻賦詩即日還宮

十五年五月端午宴羣臣于武成殿各賜衣一副自

賦詩六月朔方節度使兵部尚書蕭嵩赴朔方軍命

有司於定鼎門外供帳置酒以送之帝賦詩以光寵

之十二月幸溫泉宮登驪山石觀寺賦詩羣臣和

全唐詩話開元十六年帝自擇廷臣爲諸州刺史許

景先治魏州源光裕鄭州寇泚宋州鄭溫琦邢州袁

仁恭杭州崔志廉襄州李昇期邢州鄭放定州蔣挺

湖州裴觀滄州崔成遂州凡十一人行詔宰相諸王

御史以上祖道洛濱盛具奏太常樂帛舫水嬉命高

力士賜詩令題座右帝親書且給筆紙令自賦責糴

三千遺之

唐書宋璟傳璟耿介有大節開元十七年爲尚書右

丞相張說爲左丞相源乾曜爲太子少傅同日拜有

詔太官設饌太常奏樂會百官尚書省東堂帝賦三

傑詩自寫以賜

冊府元龜開元二十一年十二月二十一日祀后土

於雒上帝自爲文禮畢令所司刻石於祀所

二十五年八月甲子帝制訓誠六篇以示諸王其旨

蓋明君臣父子之義齊祭稼穡之事也忠王嶼等上

表請宣付史官及示百僚許之宰臣李林甫等奏曰

臣等伏以聖謨垂訓輝映千古頒示朝廷未及天下

兼望宣布中外手詔論曰周公聖人攝行王政誠伯

禽曰無以魯國驕人朕方聖雖慙豈忘誠子聊示廷

訓何足以宣布中外耶

天寶二年五月以重注孝經頒天下詔曰化人成俗

率繇於德本移忠敦敬實在於孝經朕思暢微言以

理天下先爲注釋尋亦頒行猶恐至賾難明羣疑未

盡近更探討因而筆削兼爲叙述以究源流將發明

於大順庶開悟於來學宜付所司頒示中外

八載九月皇太子生日帝製仁孝詩六章札於步障

以賜太子令中官高力士以示朝臣宰相李林甫陳

希烈等奏請頒示中外兼編諸簡策傳之不朽手詔

報曰詩者志之所之也將以道達情性宣揚教義耳

朕承五聖之業受萬民之寄主恩叶於神心元良貞

於國本美其踐履仁孝恭修友睦深慰於懷不覺形

之諷詠今請具爲六章頒示中外兼編諸簡策以傳

明倫彙編皇極典第二百三十六卷御製部

第二四〇冊 之〇五葉

不朽亦欲自家刑國以訓人倫宜依來請
十載十月御朝元閣有慶雲見帝賦詩羣臣畢和
十四載三月御勤政樓宴羣臣帝賦詩敦柏梁體羣
臣畢和

肅宗屬詞典麗經史百家莫不該覽目所一見常如
誦習

上元二年七月甲辰延英殿御座生玉芝一莖三花
御製玉靈芝詩三章八句是歲李光弼出統河南諸
軍帝於內殿宴送御製詩以寵之羣臣畢和

宣和書譜唐德宗初在宗藩譽望已著性識強敏一
經於目往往不待學而能其所以自任者亦復如此
齒胃之年便爲統帥既總萬機頗勵精治道思前王
能事以壯大猷故羣臣章奏來上皆卽批答筆無滯
思翰墨落可觀

開府元龜德宗貞元元年河東節度馬燧還太原製
宸扈台衡二銘并序

四年三月甲寅宴百僚於麟德殿設九部樂及內出
舞馬帝製序及詩以賜羣臣給御筆仍命屬和

全唐詩話貞元四年九月賜宴曲江亭帝爲詩序因
詔曰卿等重陽會宴朕想歡洽欣慰良多情發於中
因製詩序令賜卿等一本可中書門下簡定文詞士
三五十人應制同用清字明日內於延英門進來宰
臣李泌等雖奉詔簡擇難於取舍由是百僚皆和上
自考其詩以劉太真及李紆等四人爲上等鮑防于
邵等四人爲次等張濛殷亮等二十三人爲下等而
李晟馬燧李泌三宰相之詩不加考第
韋綬以內相感心疾能還第帝九日作黃菊歌顧左

右曰安可不示羣綬遣使持往綬遂奉和附使進帝
曰爲文不已豈頤養耶勅曰自今勿復爾
唐國史補貞元五年初置中和節御製詩朝臣奉和
詔寫本賜戴叔倫於客州天下榮之

開府元龜貞元七年帝幸章敬寺賦詩序皇太子在
侍進和兼題於壁百僚畢和以班列焉其後京兆尹
薛珣請皇太子書帝詩序刻石而填之以金

九年正月庚辰朔帝御含元殿受朝賀禮畢帝賦退
朝觀軍仗歸營詩以示宰臣等

十年九月十日以重陽日宴賜百僚追賞初九日以
雨罷宴及是方會宴帝賦詩以賜百官

十一年九月癸卯賜中書門下及兩省供奉官宴於
曲江帝作詩賜百僚百僚畢和辛亥退朝召百僚詣
延英令中使宣諭曰昨九日聊示所懷文非工也卿
等屬和雅麗深所嘉之

十二年以聽政之餘深思理本迺著刑政箴
十三年九月重陽節賜宰臣及兩省供奉官宴於曲
江賜中書門下及百僚詩

十四年二月帝製中春麟德殿會百僚觀新樂詩仍
令皇太子書以示百僚

十七年二月朔賜羣臣宴於曲江帝命中使薛盈珍
賜詩九月重陽節賜羣臣宴於曲江帝命中使劉希昂
宣慰帝賜詩

十八年九月重陽節御製豐年多慶九月示懷詩以
賜羣臣

唐國史補德宗晚年絕嗜慾尤工詩句臣下莫可及
每御製奉和退而笑曰排公在俗有投石之兩頭置

標號曰排公以中不中爲勝負也

開府元龜憲宗元和四年九月帝以天下無事留意
典墳每覽前代典彙得失之事皆三復其言又讀貞
觀開元寶錄見太宗撰金鏡書及帝範上下篇元宗

撰開元訓誠思繼前躅遂採尚書春秋後傳史記班
范漢書三國志晉書晏子春秋新序說苑等書君臣
行事可爲龜鏡者集成十四篇一日君臣道合二日

辨邪正三日戒權幸四日戒微行五日任賢臣六日
納忠諫七日慎征伐八日慎刑法九日去奢泰十日

崇節儉十一日獎忠直十二日修德政十三日諫
勸十四日錄勳賢分爲上下卷帝自製其目曰前代

君臣事跡至是以其書寫於屏風刻之御座之右復
遣中使程文幹以書屏六扇至中書宣示宰臣李藩

裴垣曰朕近撰此屏風常所觀覽故令整將示卿藩
等上表稱賀

太和二年五月帝纂集尚書中君臣事跡命工圖寫
於太液亭朝夕觀覽

唐書裴度傳度以病旬還東都拜中書令臥家未克
謝有詔先給俸料上已宴羣臣曲江度不赴帝賜詩

曰注想待元老識君恨不早我家柱石衰憂來學丘
禱別詔曰方春慎疾爲難勉醫藥自持朕集中欲見

公詩故示此異日可進使者及門而度薨年七十六
帝聞震悼以詩置靈几

杜陽雜編太和九年誅王涯鄭注後仇士良專權恣
意上頗惡之或登臨遊幸雖百戲駢羅未嘗爲樂往

往瞠目獨語左右莫敢進問因題詩曰韋路生春草
上林花滿枝憑高何限意無復待臣知

上林花滿枝憑高何限意無復待臣知

冊府元龜太和九年五月乙巳朔以御集春秋左氏列國經傳三十卷宣付史館

開成元年三月庚申帝幸龍首池觀內人賽雨賦暮春喜雨詩宰臣文武百官咸屬和

三年帝夏日與學士聯句帝曰人皆苦炎熱我愛夏日長柳公權曰薰風自南來殿閣生微涼

續問奇類林唐文宗會製詩以示鄭覃覃奏曰且乞爾聖慮於萬機天下仰望文宗不悅單出復示李宗閔歎服不已一句一拜懷而出之上笑謂之曰勿令

適來阿父子見之即此文宗當時亦憚覃而易宗閔矣

北夢瑣言王文懿公起三任節鎮數歷省寺贈守太尉文宗頗重之曾為詩寫於太子之笏以揚之

庚溪詩話唐宣宗微時以武宗忌之遁跡為僧一日遊方遇黃蘗禪師因同行觀瀑布黃蘗曰我咏此得

一聯而下韻不接宣宗曰當為續成之黃蘗云千岩萬壑不辭勞遠看方知出處高宣宗續云溪澗豈能

留得住終歸大海作波濤其後宣宗竟踐位志先見于詩矣然自宣宗以後接懿僖之時宇內遂不靖則

作波濤之語豈非識耶

北夢瑣言唐宣宗皇帝好儒雅每直殿學士從容未嘗不論前代興亡頗留心貢舉嘗於殿柱上自題曰

鄉貢進士李某或宰臣出鎮賦詩以贈之詞皆清麗凡對宰臣言政事即終日忘倦

全唐詩話宣宗好進士及第每對朝臣問及苟有科名對者必大喜便問所試詩賦題目并主司姓名或佳人物偶不中第必歎惜移時嘗於內自題鄉貢進

士李道龍白居易之死帝以詩弔之製秦邊陲曲其詞曰海岳咸通及帝垂拱而年號咸通焉

東觀奏記上聽政之暇多賦詩多令翰林學士屬和一日賦詩賜寓直學士蕭真令和真手狀謝曰陛下

此詩雖挂水千里因之平生懷亦無以加也明日詔學士韋澳問此兩句澳奏曰宋太子家令沈約詩

真以睿藻清新可方沈約爾上不悅曰將人臣比我得否思遇漸薄執政乘之出觀察使

北夢瑣言德宗皇帝好為詩以賜客州戴叔倫文宗

宣宗皆以詩賜大臣昭宗駐蹕華州以歌辭賜韓建以詩及楊柳枝辭賜朱全忠所賜一也或以敬或以

憚受其賜者得不求其義焉

冊府元龜昭宗天復三年三月壬寅御延喜樓餞送朱全忠還汴帝自為詩以送之

欽定古今圖書集成明倫彙編皇極典

第二百三十七卷目錄

御製部紀事二



詩賦仍命白爲序六月癸未以隋王仁先爲北院大王賜御製詩

咸雍四年二月癸丑頒行御製華嚴經贊

老學庵筆記遼相李儼作黃菊賦獻其主耶律弘基弘基作詩題其後以賜之云昨日得卿黃菊賦碎剪金英填作句袖中猶覺有餘香冷落西風吹不去後山詩話王師圍金陵唐使徐鉉來鉉伐其能欲以口舌解圍謂太祖不文盛稱其主博學多藝有聖人之能使誦其詩曰秋月之篇天下傳誦之其句云云太祖大笑曰寒士語爾吾不道也鉉內不服謂大言無實可窮也以請殿上驚懼相目太祖曰微時自秦中歸道華下醉臥田間覺而月出有句曰未離海底千山黑纔到天中萬國明鉉大驚殿上稱壽

庚溪詩話藝祖皇帝微時客有詠初日詩者語雖工而意淺陋上不喜其人請上詠之即應聲曰太陽初出光赫赫千山萬山如火發一輪項刻上天衢逐退羣星與殘月蓋本朝以火德王天下及上登極僭竊之國以次削平混一之志先形於言規模遠矣

宋史太祖本紀乾德元年夏四月辛卯建隆應天曆成御製序

山堂肆考太祖視學詔塑先聖先賢像自爲贊書于孔顏座端

玉海太平興國二年正月八日己巳宴新進士呂蒙正等于開寶寺賜御製詩二首以寵之九月丙辰校獵近郊丁巳御製獵詩二章賜羣臣屬和

宋史楊徽之傳徽之知全州就遷左拾遺左補闕太平興國初代還太宗素聞其詩名因索所著徽之以

數百篇奏御且獻詩爲謝其卒章有十年流落今何幸叨遇君王問姓名語太宗覽之稱賞自是聖製多以別本爲賜

張洎傳太平興國四年洎知相州召爲翰林學士博涉經史多知典故每上有著述或賜近臣詩洎必上表援引經傳以將順其意上因賜詩褒美有翰林老儒臣之句

王昭遠傳昭遠爲殿前都虞候太宗嘗草書紈扇作古詩賜諸將意多比諷其賜昭遠尤加賞遇

玉海太平興國四年五月己丑御製平晉賦賜從官皆令繼作又作平晉五七言詩各一首賜從官俾之屬和丁酉詔曰井門底定鑾輿凱旋宜從衆善之因以紀一戎之業其行在所創爲佛廟賜號平晉寺御製平晉記刻石建干寺內辛丑次榆次縣御製鑾輿凱旋賦賜從官令繼作癸卯製回鑾至側石書懷詩一首六月戊午賜從官新茶御製新茶詩詔屬和庚申車駕北征范陽辛酉次定州御製悲陷蕃民并值雨詩二首賜從官俾屬和

五年三月戊子會鞠于大明殿上獲多算己丑御製擊毬五七言詩各一首詔近臣屬和丙申御製喜春雨詩一首賜近臣屬和十月契丹主親領兵數萬犯雄州乘虛遂至高陽關十一月己酉詔巡北邊壬子發京師戊午次大名雄州言契丹遁去車駕即凱旋上作詩示羣臣有一箭未施戎馬遁六軍空恨陣雲高之句

太宗實錄太平興國五年太宗北征師還帝作詩有鑾輿臨紫塞朔野陣雲飛之句何蒙采二句爲詩賦

皇極典第二百三十七卷

御製部紀事二

遼史太宗本紀天顯七年六月戊辰御製太祖建國碑

十年十一月丙午幸弘福寺爲皇后飯僧見觀音畫像乃大聖皇帝應天皇后及人皇王所施顧左右曰昔與父母兄弟聚觀于此歲時未幾今我獨來悲歎不已乃自製文題于壁以極追感之意讀者悲之

興宗本紀重熙六年夏六月上酒酣賦詩吳國王蕭孝穆北宰相蕭八撒等皆屬和夜中乃罷癸未賜南院大王耶律胡覲袞袞命上親爲製話詞并賜詩以寵之秋七月壬寅以皇太弟重元生子賜詩及寶玩器物

道宗本紀清寧二年三月己卯御製放鷹賦賜羣臣諭任臣之意

三年八月辛亥帝以君臣同志華裔同風詩進皇太后

六年夏五月戊子朝監修國史耶律白請編次御製

以獻

玉海太平興國八年九月戊午製晚秋五七言詩二首賜近臣十一月丁卯宴餞趙普于長春殿上賦詩賜普普以昭文相節度鄧州上不欲煩以樞務擇善地俾之臥理因詩什以導意普曰當刻於石上謂近臣曰君臣之際亦盡善矣

九年三月壬申幸含芳園習射製晚春遊含芳園五言十韻詩一首賜宋琪乙卯召宰臣近臣宴後苑上賦詩一章賜侍臣俾屬和

太宗實錄太平興國九年三月壬子以河決將塞命學士宋白乘傳祭白馬津沈太牢加璧已未滑州言河決已塞羣臣慶賀先是河決韓村數州羅災發卒五萬以步軍師田重進督其役劉吉副之吉親負土與徒晨夜兼作至是而塞上製平河歌賜宰臣宋琪等因謂曰昔漢武有瓠子之歌今朕聊志一時之事玉海太平興國九年將東封恩蒙進宣示內外御札草上嘉其文御批紙尾以獎之明年春侍宴後苑近臣應製賦詩蒙詩末句云微臣自愧頭如雪亦聽銜天侍玉皇上曰善因事陳情翌日和以賜之有珍重老臣之語

太平興國九年八月壬子製四成字四高字詩各一首賜近臣令屬和

雍熙元年十一月甲子上齋宿正殿乙丑宿太廟上以天氣晴和作歌詩賜近臣令屬和

太宗實錄雍熙元年十二月甲午召近臣宴後苑丁酉賜文武常參官詣尚書省宴飲上賜詩二首

玉海雍熙元年十二月丁酉郊祀畢賜宰臣文武等

宴于尚書省帝作詩一首以賜其日晚又宣旨曰今日卿等宴會恐未盡歡可更賜來日宴樂羣臣獻歌詩賦頌者數十人並付史館于是飲三日

二年正月己未上元御乾元門樓觀燈夜漏初上密雪忽降上謂宰臣曰可各賦觀燈夜瑞雪滿皇州詩以為娛樂上賦詩示羣臣宰相宋琪等咸奉和三月戊寅賜新進士梁穎等御製詩二首

端拱二年三月二十五日賜新進士陳堯叟等御製箴一首四月丙申上幸金明池因幸瓊林苑習射上為歌詩賜羣臣十月乙卯賜近臣宴于樞使王顯第賜御製詩一首十一月壬申日南至羣臣詣闕拜表稱賀以御製詩二首賜宰臣宋琪等戊子以時雪未降命羣臣分禱京師祠廟是日雨雪上悅製詩二首賜宰臣等令屬和

三年二月丙辰寒食上製詩賜宰相李昉等三月癸酉一日命宰臣李昉等就第為觀花賦詩之會酒酣各賦奉詔賞花詩帝亦作詩賜之翼日學士扈蒙等詣垂拱殿門謝六月戊戌朔上以諸將違詔失律作自勉詩賜宰相李昉樞使王顯等九月甲戌重陽詔昉等為登高會又賜詩二首十月庚戌賜宰相以下宴于樞使王顯第賜李昉御製雜言一篇十一月戊寅日南至御製七言冬至詩一首賜李昉等令屬和丙戌幸建隆觀相國寺祈雪十二月丁未朔大雨雪上大悅其晚御玉華殿宴謂宰相近臣曰得此嘉瑞思與卿等同醉出御製雪詩一首令屬和

四年正月乙丑製歲日詩一首賜宰臣李昉等二月戊午製中春遣懷詩二首賜近臣屬和三月己卯十

七日賞花宴于後苑上臨池垂釣令侍臣賦賞花釣魚詩應制者凡二十有六人俄出五言御製詩一章賜李昉等晚御水心殿習射翌日庚辰上依韻和宰臣及知制誥而上十三人所進詩以賜又令和所進應制詩以獻九月起居舍人田錫獻乾明節祝壽詩二十韻上謂宰相曰錫言事可稱賞因和以賜之丁丑以為知制誥四月殿中丞李度獻春雨詩上謂宰臣曰度苦心于詩旨可嘉昨進賀雨詩朕特與繼和可召至中書宣示端拱初度使交州賜詩寵行丙申以光州所進緣毛龜示近臣仍御製七言詩賜昉等

七月乙丑御製早秋詩二首立秋日暮雨詩一首賜近臣丙子製中元十韻觀燈詩賜宰相等八月辛卯朔兵部郎中楊徽之進雍熙詩五言六韻凡十章上覽而嘉賞依韻和以賜之甲辰御製春夏秋冬松風雪月烟花詩共五十首賜昉等又製中秋玩月詩二章歌一首賜宰相九月辛丑朔瀛州進嘉禾製嘉禾合穗五七言詩二首賜昉等乙丑製五七言六韻菊花詩各一首賜近臣辛未翰林學士蘇易簡進乾明節步虛詞二十章上依韻和以賜十月丙申乾明節羣臣上壽己亥賜宰相及近臣御製苑中見羣鶴飛七言詩一首令屬和

五年正月庚申御製嘉雪五言二十韻詩賜宰相李昉等令屬和乙丑以宋鑄為直史館進賀雪詩稱旨故也

端拱元年正月丙子賦東郊籍田五七言詩各一首賜侍臣羣臣獻詩賦贊頌者五十三人

二年三月二十五日賜進士陳堯叟等御製箴一首

十二月丙辰大雪詔近臣宴中書省令各賦詩上製瑞雪歌賜之

三年三月壬寅御崇政殿親試進士陳堯叟等賜第上作修身箴賜之勉以修身謹行稽古効官之意初內殿策士賜詩至堯叟始易以箴

淳化元年二月己未詔近臣後苑宴射賦詩上亦賦一章賜宰相呂蒙正等

淳化二年十二月癸未作喜雨詩賜近臣屬和十一月甲辰日南至製冬日詩賜近臣

三年正月戊戌製朝元及元日除夜詩各一首賜近臣屬和癸卯大雨雪賜近臣宴御製詩賜之三月戊

戌雨沾足直昭文館李宗諤獻詩三篇上于紙尾批御詩一首賜之有傳家之子能文章之句戊申賜宰

相李昉詩一首庚申宴射瓊林辛酉御製遊瓊林苑詩賜近臣三月癸卯賜新進士孫何等御製箴一首

丙辰宴瓊林苑御製詩三首賜之二十二日幸金明池宴從臣瓊林苑作遊瓊林苑詩賜近臣

宋史太宗本紀淳化三年夏四月癸未上作刑政稼穡詩賜近臣

玉海淳化三年五月甲寅詔增修祕閣八月壬戌朔宴宰臣李昉以下于祕閣三館與焉上作詩以美其事已而祕書監李至上表乞御製贊以光祕府上許之仍以六體親書贊文并序及篆額刻石一本賜之

增修祕閣八月戊辰賜宰臣李昉以下及三館宴賜詩十二月丁卯大雪數年以來涉冬無雪至是降及尺餘上喜賜近臣宴于中書詔令盡醉上賦詩親以八分書遣中書就宴所賜之是日又賜祕書監李

至會三館學士宴于祕閣凡應制賦詩者二十五人四年正月辛卯合祭圓丘癸巳上賦南郊宿齋五七

言詩六首賜近臣乙未大雨雪上作立春日瑞雪詩三首賜近臣癸卯辛乾元樓宴作觀燈詩二首并序

賜近臣屬和八月一日行書賜蘇易簡曰宋玉遇楚王未足以爲美易簡逢真主堪師法于後人今賜卿大言賦名四句曰少年盛世今爲詞臣古往今來

今有幾人十一月甲寅朔日南至上壽丁巳賜近臣宴于中書上賦詩賜之十二月庚子製立春歌詩三首賜近臣

五年正月甲寅朔上製元旦除夜詩五言各二首賜近臣俾屬和三月戊午召近臣賞花宴後苑上臨

池釣魚命羣臣賦詩時應制者三十九人上亦賦詩以賜宰相呂蒙正等因習射上中的者六張樂飲酒

詔羣臣盡醉五月庚辰司空致仕李昉獻詩陳情叙感上和以賜之仍別賜昉詩一首八月戊子詔近臣

宴于中書御製詩賜之十一月丁巳上賦詩一首示翰林學士張洎錢若水洎因揣摩上意上疏稱述凡

數千言上覽而善之召宰相等賜坐于崇政殿兩廡謂曰洎所上表深喻朕意足以戒躁競之輩疎淺薄

之風矣令付史館許衆人就觀因嘆薄俗良久別賜張洎詩一首又出四體書前所賦詩一幅草書者尤

絕妙蘇易簡頓首告上乞之呂蒙正亦欲得焉易簡前奏曰臣先請蒙正已不及矣上笑而賜之

至道元年三月十六日壬戌後苑賞花特召司空李昉坐于尚書之上帝臨池釣魚賦詩一章賜宰相呂

蒙正等羣臣應制者五十五人上作釣魚詩斷章意

以屬呂端後數日爲相九月九日賜近臣宴于中書御製詩賜之

庚溪詩話太宗皇帝既輔藝祖皇帝創業垂統暨登寶位九畹意斯文每進士及第賜聞喜宴必製詩賜

之其後累朝遵爲故事宰相李昉年老罷政家居曲宴必宣赴坐助獻詩曰微臣自愧頭如雪也向釣天

侍玉皇上俯和曰珍重老臣純不已我慚寡味繼三皇時皆榮之蘇易簡在翰林一日上召對賜酒謂之

曰君臣千載遇易簡應聲曰忠孝一生心呂端參知政事上一日宴後苑釣魚賜之斷句曰欲餌金鉤殊

未達磻溪須問釣魚人端續以進曰遇直釣直難堪用宜問濠梁結網人既而端遂拜相君臣會遇形于

庶歌此與唐虞庶載事雖異而實同也

宋史郭贊傳贊字仲義乾德中舉進士歷禮部尚書太宗在晉邸時凡製篇味多令屬和真宗常訪其賜

本贊爲四卷以獻詔獎之

真宗本紀咸平二年七月壬寅製聖教序賜傳法院玉海咸平二年八月壬子侍讀學士楊徽之等赴職

賜宴祕閣上作七言詩賜之九月戊子作重陽七言詩賜近臣屬和戊午社宴近臣于中書作社日五言

詩賜之屬和丙寅大閱東武村丁卯賜近臣飲于中書作大閱五言詩十一月丁亥南郊禮成宴近臣李

沆第作親祀南郊五言詩賜之屬和

咸平三年正月丁亥范廷召大破契丹于莫州東斬首萬餘級寇遁庚寅奏至百官稱賀辛卯宴從臣于

行宮癸巳作喜聞捷奏五言詩二首題行宮之壁命近臣屬和

時車駕北還

二月丙子賞花宴于後苑

次大名府

作仲春賞花釣魚七言詩羣臣皆賦遂射于水殿四月已巳賜進士陳堯咨等宴瓊林苑作五七言詩二首賜之自後每放榜即賜詩

宋史呂文仲傳咸平三年文仲受詔集太宗歌詩爲三十卷詔書嘉獎

玉海咸平四年三月己丑後苑曲宴作五言四韻詩命儒臣賦八月戊辰社宴近臣于中書兩制館閣于崇文院作七言詩賜之繼和九月丁丑重陽宴近臣于呂蒙正第作五七言詩咸令繼和十一月丁亥作雪詩一首示呂蒙正等命即席賦

五年十月癸卯賜近臣宴作南郊五言詩賜之十二月乙丑大雪上作七言詩賜近臣和

宋史李仕衡傳眞宗謁陵寢因幸洛仕衡獻粟五十萬斛又以三十萬斛歸西京朝廷以爲材召爲度支副使遷三司使帝作寬材利論以賜之

陳彭年傳彭年拜右諫議大夫兼祕書監詔就賜食廳編次太宗御集賜動上柱國嘗因奏對眞宗謂之日儒術汗隆其應實大國家崇替何莫由斯故秦衰則經籍道息漢盛則學校興行其後命歷迭改而風教一揆有唐文物最盛朱梁而下王風寢微太祖太宗丕變弊俗崇尚斯文朕復紹先業謹遵聖訓禮樂交舉儒術化成實二后垂裕之所致也又君之難由乎聽受臣之不易在乎忠直其君以寬大接下臣以誠明奉上君臣之心皆歸于正直道而行至公相遇此天下之達理先王之成憲猶指諸掌孰謂難哉彭年曰陛下聖言精詣足使天下知訓伏願躬演睿思著之篇翰眞宗爲製崇儒術爲君難爲臣不易二論

示之彭年復請示輔臣刻石國子監進兵部侍郎卒年五十七眞宗前後賜彭年御製歌詩凡六篇彭年妻入謁出彭年像示之錫賚甚厚

郭承祐傳仁宗爲皇太子承祐輔左清道率府奉春坊左謁者眞宗爲玉石小牌二勒銘以戒飭之

石林燕語內香藥庫在殿門外凡二十八庫眞宗賜御製七言二韻詩一首爲庫額曰每歲沈檀來遠裔累朝珠玉寶皇居今辰內府初開處克物尤宜史筆書

湘山野錄眞宗西祀回召臣僚赴後苑宣示御製太清樓聚書記朝拜諸陵因幸西京記西京內東門彈九壁記皆新製也笑謂近臣曰雖不至精優卻盡是朕親撰不假手于人也

遼堯錄楊億在學士院眞宗忽夜召見於一小閣深在禁中既見賜茶從容者久之因出文集數篋以示億云卿識朕書蹟乎皆朕自起草未嘗命臣下代作也億惶恐不知所對頓首再拜而出由是伴狂奔于陽翟是時億以文章擢天下然性剛特寡合故惡之者得以事譖之帝性好文初待億眷顧無比晚年恩禮漸衰亦由此也

東軒筆錄陳恭公執中以衛尉寺丞知梧州驛遞上疏以乞立儲東眞宗嘉其敢言翼日臨朝袖其疏以視執政歎獎久之召爲右正言然爲王冀公所忌一日眞宗賦御溝柳詩宣示自宰相兩省皆和進恭公因進詩曰一日春來一度新翠花長得照龍津君王自愛天然態恨殺昭陽舞人

青箱雜記眞宗聽政之暇唯務觀書每觀畢一書即

有篇詠使近臣讀和故有御製看尚書詩三章看周禮三章看毛詩三章看禮記三章看孝經三章復有御製讀史記三章讀前漢書三首讀後漢書三首讀三國志三首讀晉書三首讀宋書二首讀陳書二首讀魏書三首讀北齊書一首讀後周書三首讀隋書三首讀唐書三首讀五代梁史三首讀五代後唐書二首讀五代晉史二首讀五代漢史二首讀五代周史二首可謂近代好文之主也

宋史張乘傳乘字孟節眞宗嗣位進秩兵部郎中景德初知滑州復知并州將行懇求御詩爲餞上爲作五言賜之

玉海景德二年二月庚子作詩賜知貢舉趙安仁等有風夜惟公精攷藝之語四月二十一日戊戌幸龍圖閣近臣畢從又召直昭文館神放預焉閱太宗御書又觀諸書畫宴于崇和殿帝作五言詩從臣皆賦命李宗諤楊億作序庚子又作贊以賜輔臣十二月庚寅雪命資政大學士王欽若宴館閣羣臣帝作七言雪詩令屬和

三年十一月癸亥日南至大雨雪甲子宴近臣作雪詩賜之命與館閣官皆和

四年正月乙亥朔朝元殿受朝上作元日會朝七言詩三月七日乙巳曲宴後苑初臨水閣垂釣又登太清樓觀太宗御書及新寫四部羣書又至景德殿放生池東至玉宸殿歷翔鸞儀鳳一閣命坐置酒帝作五言詩從官皆賦遂宴太清樓下是月十六日甲寅大宴崇德殿中召近臣宴于後苑賞花釣魚帝作千葉牡丹詩從官畢賦召大理評事宋綬邵煥預焉九